

東山志卷之十九

詩

石壁精舍還湖中

謝靈運



昏旦變氣候山水含清暉清暉能娛人游子澹忘歸出谷日尚
早入舟陽已微林壑歛暝色雲霞收夕霏芰荷迭映蔚蒲稗相
因依披拂趨南徑愉悅偃東扉慮澹物自輕意愜理無違寄言
攝生客試用此道推

登石門最高頂

晨策尋絕壁夕息在山樓
疏峯抗高館對嶺臨迴谿
長林羅戶庭積石擁階基
連巖覺路塞密竹使徑迷
來人忘新術去子惑故
談話夕流駛噉夜猿啼
沈冥豈別理守道自不携
心契九秋幹目翫三春蕙
居常以待終處順故安非
惜無同懷客共登青雲梯

於南山往北山經湖中瞻眺

朝旦發陽崖景落憩陰峯
舍舟眺迴渚停策倚茂松
側徑既窈窕環洲亦玲瓏
俛視喬木杪仰聆大壑淙
石橫水分流林密響絕蹤
解作竟何感升長皆主容
初篁苞綠籜新蒲含紫茸
海風戲春岸天雞弄和風
撫化心無厭覽物眷彌重
不惜去人遠但恨莫與同
孤游非情歎賞廢理誰通

還舊園作見顏范二中書

辭滿豈多秩謝病不待年
偶與張邴合久欲還東山
聖靈昔迴眷微尚不及宣
何意衝飄激烈火縱炎煙
焚玉蕝崑峯餘燎遂見遷
投沙理既迫如邛願亦愆
長與歡愛別永絕平生緣
浮舟干仞壑總轡萬尋巔
流沫不足險石林豈為艱
閩中安可處日

夜念歸旋事蹟兩如直心愜三避賢託身青雲上棲巖挹飛泉
盛明盪氛昏貞休康屯遭殊方咸成貧微物豫采甄感深操不
固質弱易板纏曾是反昔園語往實歎然曩基即先築故池不
更穿果木有舊行壤石無遠延雖非休息地聊取永日閒衛生
自有經息陰謝所牽夫子照情素探懷授徃篇

登臨海嶠初發疆中作與從弟惠連 見羊何共和之

杪秋尋遠山、遠行亦近與子別山阿舍酸赴修畛中流袂就
判欲去情不忍顧望脰未涓汀曲舟已隱、汀絕望舟驚棹逐
驚流欲抑一生歡并奔千里游日落當樓薄繫纜臨江樓豈惟
夕情歛憶尔共淹留淹留昔時歡復增今日歎茲情已分慮况
乃協悲端秋泉鳴北澗哀猿嚮南巒戚、新別心悽、久念攢
攢念攻別心旦發青谿陰暝投剡中宿明登天姥岑高、入雲
霓還期那可尋儻遇浮丘公長絕子徽音

過始寧墅

束髮懷耿介逐物遂推遷違志似如昨二紀及茲年緇磷謝清
曠疲蕭慚貞堅拙疾相倚薄還得靜者便剖竹守滄海枉飄過

舊山、行窮登頓水涉盡迴沿巖峭嶺稠疊洲縈渚連緜白雲
抱幽石絲篠媚清漣葺宇臨迴江築觀基層巔揮手告鄉曲三
載期歸旋且為樹枌櫨無令孤願言

道路憶山中

采菱調易急江南歌不緩楚人心昔絕越客腸今斷、絕雖殊
念俱為歸慮歎存鄉尔思積憶山我憤懣追尋棲息時偃臥任
縱誕得性非外求自巳為誰纂不怨秋夕長恒苦夏日短濯流
激浮湍息陰倚密竿懷古巨新歎舍悲忘春暖悽々明月吹測
惻廣陵散殷勤訴危柱慷慨命促管

從斤竹澗越嶺谿行

猿鳴誠知曙谷幽光未顯崑下云方合花上露猶泫逶迤傍隈
隩迢遞陟陞峴過澗既厲急登棧亦凌緬川渚屢徑復乘流翫
迴轉蘋萍泛沈深孤蒲冒清淺企石挹飛泉板林摘葉卷想見
山阿人薜蘿若在眼握蘭勤徒結折麻心莫展情用賞為美事
昧竟誰辯觀此遺物慮一悟得所遺

南樓中望所迓客

杳々日西積浸々長路迫登樓為誰思臨江近來客與我別所
期々在三五夕圓景早已滿佳人殊未適即事怨睽携感物方
悽慼孟夏非長夜晦明如歲隔瑤華未堪折蘭若已屢摘路阻
莫贈問云何慰離析搔首訪行人引領冀良覲

田南樹園激流植援

樵隱俱在山由來事不同不同非一事養疴園中園中屏氣
雜清曠招遠風卜室倚北阜啓扉面南江激澗代汲井插槿當
列墉羣木既羅戶衆山亦當惣逶迤趨下田迢迢瞰高峯寡欲
不期勞即事罕人功惟開蔣生徑永懷求羊蹤賞心不可忘妙
善冀能同

齋中讀書

昔余游京華未嘗廢丘壑矧乃歸山川心迹雙寂寞虛館絕諍
訟空庭來鳥雀臥疾豐暇豫翰墨時閒作懷抱觀古今寢食展
戲譁既笑沮溺苦又哂子云閤執戟亦以疲耕稼豈云樂萬事
難並歡達生幸可託

石門新營所住四面高山廻谿石瀨茂林脩竹

濟險築幽居披雲臥石門苔滑誰能步葛弱豈可捫嫋々秋風
過萋々春草繁美人游不還佳期何由款芳塵凝瑤席清醕滿
金尊洞庭空波瀾桂枝徒扳翻結念屬霄漢孤景莫與諼俯濯
石下潭仰看條上猿早聞夕飈急晚見朝日曠崖傾光難留林
深嚮易奔感徃慮有復理來情無存度持乘日用得以慰營魂
匪為衆人說冀與智者論

酬從弟惠連

寢瘵謝人徒滅迹入云峯巖壑寓耳目歡愛隔音容永絕賞心
望長懷莫與同末路值令弟開顏披心胷心胷既云披意得成
在斯陵間尋我室散帙問所知夕慮曉月流朝忌曛日正悟對
無厭歎聚散成分離分離別西川迴景歸東山別時悲已甚別
後情更延傾想遲嘉音果枉濟江篇辛勤風波事欵曲洲渚言
洲渚既淹時風波子行遲務協華京想語存空谷期猶復惠來
章祇足攬余思儻若果歸言共陶暮春時暮春雖未交仲春善
游遨山桃發紅萼野蕨漸紫苞嚶鳴已悅豫幽居猶鬱陶夢寐
佇歸舟釋我吝與勞

西陵遇風康樂詩五章之一章

謝惠連

靡、即長路戚、抱遙悲、遙但自弭路長當語誰行、道轉
遠去、情彌遲昨發浦陽汭今宿浙江湄

泛湖歸出樓中翫月一首

日落泛澄瀛星羅浮輕橈憩村面曲池臨流對迴潮輟策共駢
筵並坐相招邀哀鴻鳴沙渚悲猿嚮山椒亭、映江月風、出
谷颯斐、氣冪岫泫、露盈條近矚袿幽蘊遠視盪譚囁晤言
不知罷後夕至清朝

李白

携妓上東山悵然悲謝安我妓今朝如花月他妓古墳荒草寒
白雞夢後五百歲洒洒澆君同所歡酣来自作青海舞秋風吹
落紫綺冠彼亦一時此一時浩、洪流之詠何必奇

又

安石東山三十春傲然携妓出風塵樓中見我金陵子何似陽
臺雲雨人

又

不到東山夕
薔薇幾度花
白雲他自散
明月落誰家

又

我今携謝妓
長嘆絕人羣
欲報東山客
開軒掃白雲

又

嘗高謝太傅
携妓東山門
楚舞醉碧雲
吳歌斷清援
暫因蒼生
起談笑安黎元

又

齊室昔橫潰
永嘉逐南奔
沙塵何茫茫
龍虎闢朝昏
古馬風塵

草天驕盛中原
括匠感頽運
雲鵬忽飛翻
組練眼楚國
旌旗連海門
西秦百萬衆
戈甲如雲屯
投鞭可填江
一掃不足論
皇運有返正
醜無遺魂
談笑過橫流
蒼生望斯存
想像東山姿
緬

懷右軍言梧桐
識嘉樹蕙草留
芳根白露映
春洲青龍見
朝暎地古雲物在
臺傾禾黍繁
我來酌清波
於此樹名園
功成拂衣去
歸入武陵源

又

青山日將暝
寂寞謝公宅
竹裏無人聲
池中虛月白
荒庭衰草

徧廢井蒼苔積唯有清風閒時起泉石

陳子翬

謝公昔日居東山，在始寧蒼翠間。板援石磴入深窈，峻步嶺
嶠逾平寬。二川合流龍起陸，兩眺相望如虎伏。有時高臥夢蒼
生，野墅風清棋一局。出本為晉非為桓，天下賴公磐石安。白雲
孤飛明月落，薔薇花開春晝寒。我來欲洗登山屐，調馬岡頭苔
蘚碧。但存遺像照山河，翁仲無言臥荆棘。

許謙

清谿護連山，雙壁鎖幽洞。初登憂徑險，小入喜境空。木落猿攏
驚叢，卑禽鳥弄嶮行。幾盤折彷彿天籟動，蒼厓倚空碧。仰睇石
流澗，分張山路輕。翕聚曾編重，變化態萬千。敝地風雷鬪，粵從
混沌鑿。天造景已貢，仙靈擅虛寂。緘闕未忍送賢教，康樂翁為
洗塵俗。夢胡為百年後樂，與來者共我來。屬夕晴泉瀉澁如凍
巒，氣噴林薄。眯目作寒霧，舟子招我行。風疾纜欲縱，後期當何
時。坐對玉帶竦。

王蓋

峭石凌雲碧海東，山佳氣正蔥蔥。謝家遺韻千年外，晉代雄圖片局中古寺。尚留塵榻穩臥龍，終起野潭空也知。撫景懷人意海內，何人得似公。

徐光璋

白雲深處路兩眺，縱盤桓脚底風波險。眼前天地寬，屐池春水暖。薇洞曉嵐寒，欲問當年事。殘碑尚可觀。

元貞僧

太傅前朝宅，重來動古愁。白雲千嶂曉，明月兩山秋。松暗登山徑，苔荒洗屐流。憧憧往來者，誰復似公游。

許思恭

公餘一日閑，乘興到東山。遠岫嵐飛動，曲江舟往還。白雲封臥榻，明月透禪關。千載風流去，漁樵一語閒。

金元素

東眺連西眺，南山望北山。潮隨江月上，風度嶺雲還。勳業千年後，漁樵一語閒。空餘歌舞地，鍾磬出禪關。

王應麟

東山美鬪公千載邈遺音。樂謝家安陳迹，猶可尋仰睇虞峯。
高俯挹娥濤，深偉人不可作。感慨生登臨，典午鼎爨。日月照
忠忱，談笑沮溫謀。尊俎却，却氏侵斯，民免為魚。清風濯釜鬻，撫箏
疑未釋。西州復占襟，紫囊皆少年。東鉞掃雲霧，茂績世茅土。有
孫亦瓊琳，作金刀志士，皆噎喑。曷不効靖節，種菊遁幽林。
既縻元嘉賞，空懷子房心。鴻冥九霄遠，雉翳嗟珍禽。行藏異為
孫攬古得良箴，吾游幾越獨。欠躋欽岑，晉士豈清談。砥柱
江濟翠屏依，空碧浮雲更古今。永言廣武嘆，誰續洛生吟。

初夏游太原湖復自雙江登東山國慶刹

皮日休

越舫輕似萍，漾出煙郭人聲。漸疎曠，天氣忽寥廓。伊子愜斯
志，有似劖癘瘼。遇勝即夷，猶逢幽且淹。泊俄然，棹深處虛無倚
岩嶠。霜毫一道人，引我登山閣。當中見壽像，欲禮先紛箔。珠幡
時相鏗，恐是諸天樂。樹杪見觚稜，林端逢楮墨。洗屐池尚在，靈
源曾未涸。疑通蛟人道，水色黹而惡。欲照六藏驚，將窺百骸愕。
旋去調馬岡，其險如印笮。悠然放吾興，欲把青天摸。紫藤垂麗

耳紅荔懸纓絡蘇厚滑似聚峯尖利如錐斯須到絕頂似愈漸
離燿一片太湖光只驚天漢落梅風脫綸帽乳水透芒屨風姿
與波采不動渾相著既不暇供應將何以酬酢却來穿竹徑似
入清油幕穴恐水君開龕如鬼工鑿窮幽入茲院前楯臨巨壑
遺畫龍奴獐殘香虫篆薄禡魂窺玉鏡澄慮聞金鐸雲態共縈
留鳥言相許諾古木勢如虺近之恐相蝨走礮聲似磬聞之意
爭博時禽候已嘿衆籟蕭然作遂令不羈性戀此似纏縛念彼
支許流將生付寂寞曾無膚撓事肯把心源度胡為儒家流沒
齒勤且恪言行既異調棲遲亦同託願力倘不遺請作華林鶴
次皮襲美韻咏前游太康湖之東山寺

陸龜蒙

始寧涵汀洲碧液浸山郭微雨蕩春醉上下一清廓奇蹤欲探
討窮物先瘵瘼飄然蘭葉舟旋倚煙霞泊吟譚亂篙榜夢寐雜
嶽嶠纖情不可逃洪筆難輟閣豈知楞伽會乃在山水箔金僊
著書日世界名極樂蒼蘆冠諸香琉璃代華聖禽言經不輟象
口川寧涸萬善信為城巉扞羣惡清晨欲登造安得無自愕

險穴駭坤牢高羅挂天笮池容淡相向恠蛟如可摸苔菽石髓
根蒲差水心铘嵐侵答摩髻日照狡猊絡仰首乍眩旋迴眸更
輝耀簷端礙飛羽磴外浮碧落到迴解風襟臨幽濯雲屨塵機
性非便靜境心所著自取海鷗知何煩尸祝醉峯圍秋鏡寒浪
皺翠綃幕瀛灩豈克遭峻嶒非禹鑿潛聽鍾梵處別有松桂壑
靄重燈不光泉澄網猶薄僮能躡孤刹鳥慣親捉鐸服道身可
遺乞閒心已諾人間亦何事萬態相毒蠹戰壘競高深儒衣謾
裛博宣尼名位達未必春秋作管氏包伯圖須人解其縛伊子
采樵者蓬蘽方索莫多書雷週采識度兩情恪詎寵生滅時肯
教夷夏錯未為堯舜用且向煙霞託我亦擺塵埃他年附鴻鶴

胡曾

五馬南浮一化龍謝安入相此山空不知携妓重來日幾樹鶯
啼谷口風

陳蒙

空山杳々白雲飛雀咲風聲公夜歸一逢履痕香未散不禁明
月照薔薇

韓境

調馬岡頭斷靄飛淮淝未了欠先歸江聲尚帶蒼生恨何似山
中只采薇

張祐

寒色蒼々老栢風石苔清滑露華融半戶四山鍾磬盡水晶宮

殿月玲瓏

王銍

山晴山雨古今恨潮落潮生朝暮情我識前人舊時意寒山石一

夜聽江聲

題東山園

朱熹

家山花柳春侍女髻鬟綠出處亦何心晴雲在空谷

江月圖

江空秋月明夜久寒露滴扁舟何處歸吟笑永佳夕

東山高

行盡吳山過越山白雲猶是幾重關若尋汗漫相期處更在孤

鴻滅沒間

又

江路經由數十回無因到此為潮催
嘗聆文靖曾游後欲問蕃
薇幾度開今日掣身推案去
暫時秉燭入山來高僧不問誰家
客獨許雲軒自把盃

秋日自太康轉泛雙江席上與一二知己觴咏感而有述

梅聖俞

山川本奇勝太傅心意投
緬彼縱雲臥瀟灑脫羈囚
洄光瀟灑日徘徊弄孤舟
鳴榔詣測匝清唱發渡頭
淺瀨不可泝停棹信
中流山尊對蒼翠沙鳥自沉浮
濯足破嵐影采菱臨芳洲
遠涉晚煙寂石壁紅樹秋
細吐屐池泉邃藏谷隙樓
織狀不暇應絕景奪賞
昨康樂足清尚惠連仍此游
摘勝縷莫道調鞅忙無休
醉來同淵明興盡殊子猷
歸傍漁梁靜行看夜火幽
露華初滴滴夕吹何颺
所以紆俗想顧諒惟林丘

初晴獨游東山寺

歐陽修

日煖東山去松門數里斜
山林隱者處鐘鼓梵王家
地僻遲春日煖東山去
松門數里斜山林隱者處
鐘鼓梵王家地僻遲春
節風晴變物華雲光漸
容與鳥弄已文加水下泉
初動煙中茗

未芽自怜多病客來探欲開花

又挽謝太傅

前日賓齋燕今晨奠榼觴死生公自違存沒世徒傷舊國誰
葬餘貲不給喪平生公輔志所得在文章

蘇軾

謝公含雅量世運屬艱難况復情所鍾感慨華中年正賴絲與
竹陶情有餘懽常恐兒輩覺坐令高處闌祛携縹緲人來上東
西山放懷事物外徙倚弄雲泉一旦功業成管蔡復流言慷慨
桓野王哀歌和清彈挽鬚起流涕始知使君賢意長日月促臥
病已辛酸慟哭西州門枉駕那復還空遺行樂處古木昏蒼煙

陸放翁

雲門禹穴徧游時每怪東山尚欠詩高臨兩眺一搔管男子要
為天下奇

又

豈少名山宇宙間地因人勝說東山江拖銀練秋容淡峯削芙
蓉翠嶂環別墅有棋莎緝、斷碑無字蘚斑、吐更梵宇勳名

在不與薔薇一樣殘

張宛丘

一代聲華重偉人豈知絲竹是經綸
投鞭眼底全空晉賭墅枰
前竟破秦尊俎折衝知廟筭
金屏笑坐想風神垂芳獨有薔薇
在靜倚山扉冷笑春

題金陵東山魚憶東山之舊在會稽者 黃廷堅

石頭城外有東山白日無情碧草閒
花事已非清掖下風光空
想始寧間金陵雲散難妖夢
紫塞塵高鳳不還細向遺編檢
勳迹薔薇無主怨春殘

又

天下佳山說會稽山中風景尚宜詩
薔薇寂寞真孤負雲月尋
常入夢思何日抽簪投隙地
還來拭目看殘碑清泉白石平生
癖踏破蒼苔定有期

游太康湖望東山

林逋

水痕秋落蟬螿肥聞過清湖晚未歸
魚覺船行沉草岸犬聞人
語出柴扉眺埋蒼桂寒雲重寺隱丹楓夕照微
却憶當時謝太

傳風流未解惜蓑衣

李光

才賢國運每相關出處公遭典午間
夢裏鉛華渾脉脉蕭中芳迹尚班
始高霄漢鴻飛遠終惜雲巢鳳不還
好是南陽扶漢鼎勳名千古仰東山

張世傑

青山入望仰高名未暇登臨無限情
君憤一偏思濟弱我悲六尺欲扶傾
天窮今日江潮酒人勝當時草木兵
分付山靈須待我婦清九土話昇平

薩天錫

千里拏舟過始寧江山無恙尚堪登
水流花落已無主雲散月沉空有亭
塵迹猶思尋草莽風情何處醉娉婷
可怜鼎食傳僧火特采谿毛奠故陵

虞集

太傅東山杖履行總將憂患託幽情
獨尋窈窕開瑤席雙引娉婷韻玉笙
春雨松間殘奕冷秋風江上暮塵生
三分籌策頻繁

甚悵望雲霄一羽輕

蘇平

山河方典午出處迹難窺
深慰蒼生望還悲晉鼎移
笑談消歎逆尊俎折淮淝
回首感陳迹薔薇開對誰

尹岑

久羨東山景今朝始一登
雙江和月白兩眺倚天青
携妓曾歌舞令人感廢興
平生重勲業俯仰舊儀形

張天錫

每憶東山勝英雄出豈常
白雲與明日何處舞衣衣

唐之淳

東山鬱磅礴風氣所根柢
勢雄蛟與虬急搏不可恃
洪濤走其根土裂石齒々
兩峯秀眉睫錯出犬牙倚
昔有携妓人笑教雜燕喜
詎無泉石懷一為蒼生起
士類蒙拔擢中興賴經紀
諸郎亦秀發笑渠在秋水
無乃山川靈降集有如此
我來春氣中瀑壯雨聲止
冥搜苦日短未盡所歷美
娟々薔薇花如月照清沚
平生幾兩屐塵土思一洗

太傅今何在遺蹤尚可尋
屐痕芳草暗棋局綠苔侵
花簇舞裙錦鳥追歌管
音兩江煙水合雙眺白雲
深坐對此中景彌清塵
外心悠然延佇久不覺日
西沉

王鐔

劉恩邵

我生好奇古忠義激肝腸
鬱々懷曠達捫霞陟崇岡
撫膺慨陳迹百物含淒涼
詎不昭義命崛起慰蒼生
矯々冥鴻翼倪作雛鳳翔
雛鳳羽嫌短棲梧鳴朝陽
朝陽揭大照萬國祈明昌
邈意世益降微輝晰一方
胡不舞虞廷胡不鳴西岐
爛然孤文采千載為歛歔

又

青山不得老白日忽已沉
弔古尋遺迹恠望傷我心
鼎々人事更迢々歲華侵
風流一以去今古疇知音
勝事有殊况宰木無佳陰
高躡絕百代緬仰涕孤襟

瞿宗吉

翹首雙江上佳山在眼中
乾坤遺勝迹今古仰清風
暮雨鷓鴣

老春風燕壘空秦淮煙樹今何處覓英雄

木空山

癖我來貪此清幽入肺腸兩餘苔磴滑風細竹聲涼愛畫山窺閣濕衣雲滿床風流人不見月色可虛堂

又

我本愛山者還向山中宿主人不歸來江蕪為誰綠

又

心鏡有餘白神室無纖埃山靜雲不飛亭空月還來

祥止庵

入山臥山雲臨江濯江水臥雲閑我心濯江清我穢二者真吾

師消此百校集

又

裁雲補羅衣臨江濯雙足浩歌明月章清風飽吟腹一靜沉百喧何庸縻厚祿君看歌舞場猿嘯空谷

又

石磴穿雲上山窻對月推相逢話前古潮送夕陽回

鍾欽禮

乘興訪松關風流去未還煙霞樓古寺猿雀怨空山苔蝕碑文
音山深棋墅閑一朝推雅量翎晉笑談間

游東山聯句

太傅千年宅今朝作勝游盛江山新氣象柳人物舊風流葛素

壁丹青石龔高岡山木稠花疑紅袖舞盧衣想白雲留磴截手

尋險同天開兩眺幽狂秦將肆毒屠復晉豈無籌捷報來淝水

范奇勳冠帝州蒼生俱賴業龔素志獨能酬屐折尋常事魏棋

殘幾百秋松高聽鳴雀英地冷泣潛蚪指石存危柱盛琵琶狀

小洲波光搖落日柳野色照吟眸談笑皆青眼葛登臨盡白頭

僊軒增感慨英倚杖更夷猶寶刹無新構同平墟有故丘飛

沙磧燕屠渺々水中鷗隱士開瑤席范閒僧具茗甌山凝煙漠

漠龔雲逐鳥悠悠鶯喃幽巢擊漁歸別浦舟英酣歌春欲老同

刻燭夜何悠漏寂蟾光淡盛窻虛曙色浮壯懷吟不盡長嘯看

吳鈞葛

始寧泉

葛驥

源自始寧鄉名因太傅揚噴崖飛雨點映地湛天光分出方塘
滿縈流碧澗長石根來汨、竹裏響琅、銀鯽吹晴沫黃猿飲
夕陽山僧閒洗屐詞客許流觴釀酒添芳冽烹茶有異香汲泉
登祖席滌褐上巖廊聖王臨軒待蒼生引領望願當持此潔均
使渴心涼

東西眺

暮曉

東山吳越秀崑崙起雙眺登高送遠眸長江倚孤峭緬懷文靖
公於馬寄清傲從龍去不還高風復誰蹈陳君濟時英山林久
潛曜欲慰蒼生望起應天子詔携酒共登臨以水終日好離懷
不可陳清風發長吟願言繼前脩華勳著廊廟

車儀

辰逢五百日漫爾一提壺舊迹猶堪賞風光未可孤違時聊放
浪沉世發胡盧好景伊誰勝山川何處無

車乘

花朝候已近榆柳換新煙閒過謝公宅聊談衲子禪雲霄紫堯
夢枕鳥結春緣天末悲風發長歌明月篇

徑筭風日佳招搖清興屬捫蘿陟危磴香々入平谷梵宮藏竹
深虛軒殿岩曲雲霞弄晴彩草樹含幽馥衆鳥春囂逐聞花燦
紈縠風流不可作掀髯企芳躅

左鐸

汪惇

賞懷不可極下山泛清湖回瞻高臥處蕭條浮屠居偶起慰蒼
生諒以非性初消叛折強 願望誠靡孤豐功薰靈簡勝事萎
標蕪日暮表悲風為君發長嘯

汪克章

會稽多佳山茲山特奇勝秀巒拔芙蓉澄江開秋鏡雲牙淨岩
扉竹松洒風磴千載懷風流為我惜清興

王鐸

謝氏多羣從攻秦獨舉玄計由棋上示捷向屐中傳遺迹江山
寄芳聲竹帛鐫胸中丘壑在借屐覽風煙

符泰

朕槩此鍾靈畫圖開翠屏雙江秋練碧兩眺黛娥青明月已無

主白雲空有亭英雄名不死千古太常名

王侃

此用精舍地幽禪樓梵宮晴峯青漢出紺殿碧雲中樹色連雙
眺鍾聲落半空翻思高臥者雅致許誰同

王文輝

江左舊禪林樓臺倚碧岑白雲浮洞口明月浸池心歌管圍屏
冷煙霞步屨深英雄高臥處林木轉秋陰

樊文華

晉室興亡日先生出處間清風今尚在堪仰不堪攀

范雲

公為蒼生起芳名播古今豐功歸史筆勝槩隱禪林歌舞人何
在登臨客壯吟江寒明月淨眺暝白雲深洗屐池萍合薔薇洞
草侵重尋靈運迹得悟梵王音僧定鍾初靜樵歌日已沉秦淮
煙水冷翹首仰高襟

周慎

先生高臥志本與白雲期暫慰蒼生望還扶晉室危山空無舊

宅苔蝕有殘碑翹首追風度男兒一代奇

道深

林空月自來江長山碧之閒持一卷經拂花坐苔石塵蹤一時
併心鏡湛虛寂搔首惜風流雲去了無迹

東山圖送趙邑侯朝京

薛才用

明公作縣東山側幾度登臨撫遺迹薔薇洞口春花紅洗屐池
邊秋草碧春來秋去三載通每憶前賢幽思多當時高臥不肯
起當時蒼生其奈何淮淝捷來氛禳瑞對客圍棋何草之風流
文雅何代無江左至今稱絕倒顧茲勝覽吾豈忘畫圖寫却懸
中堂明朝朝覲上京國回首白雲空渺茫

韓仲止

雙岬潮聲從北去羣峯秀色自東來靈嘗鍾傑地還在景似人
為天故開袖手迹奸了無事圍棋却敵亦何哉江山滿目淒涼
處着屐來看兩后苔

評史一首

王秋澗

百萬秦師未易摧動容無復捷音來入門偶折登山齒一矯論

公恐長猜

李確

謝傅家山谿水濱
風亭月榭淨無塵
鳴騶不見南朝客
舞佩空懷越國人
雨過林巒朱檻冷
浪翻菱藻石池春
豪華盡逐東流去
唯有芳名日更新

張楷

獨對風光把一卮
謾將出處定狐疑
子房憤復韓疆志
諸葛來扶漢鼎時
才產乾坤闕世運
身於晉室繫安危
英雄自逐浮雲

散六代山河似奕棋

薔薇洞賦送陳德輝應薦

吳景

洞裏薔薇花正奇
看花入洞值花時
忽驚風動香初發
殊覺山深蝶未知
太傅適情曾對酒
謫僊懷舊為題詩
白雲寂寞春無主
一任籬筵折好枝

徐本淮

江南二月杏花春
策馬尚岡訪晉臣
明月不來還有恨
白雲一去竟無人
圍棋野冷正秦著
洗屐池空淨
塵南渡英雄誰復

在夕陽江上水鄰

徐本濟

幾度東山下過故人名遂已如何太平無事從高臥遲莫有
懷成浩歌水合一江秋漁灩雲分兩眺翠巖峨杖藜回首倦登
覽聞說于今豺虎多

憶東山

高啓

翹首江東兩鬢秋空從故紙仰前修僧房竹老無詩刻石洞花
香有夢游丘壑頓懷成痼疾山靈思我積離憂石頭雲數豪華
盡落日新亭空淚流

杜思恭

上山月正高下山月已黑謝公風流遠抵掌慨陳迹楸枰一局
笑禾闌捷書喜報收河山我今念此幾廢食諸公都作新亭泣
劉埏

高臥當年抱壯懷薔薇幾度落還開白雲萬里晴峯出碧浪滿
江春水來別墅煙嵐成作夢新亭風景嘆遺材英雄千古山川
老南國令人恨劫灰

談笑新亭鼎不移坐壽強

在枰棋平生事業從容得莫道無

心折殺遲

高啟

周諒

西風颯、動旌麾遠上山中謁喜桐陰海淹人空有夢山靈笑

我尚無詩草深夕沒圍棋野水酒空畱洗屐池莫把勳名等客

易獨凭高閣起遐思

題東山圖

諸葛負

先生談笑破強敵遂安晉室如盤石曾携雲月上山來千古風

流有遺迹風流往兮風塵多江流渺兮江水波展圖令人增歎

息天下蒼生奈尔何

杜時昇

晉室玄纁下會稽羌古入寇繫安危兵馳淝水三千里馬渡秦

關百萬蹄竹裏圍棋山月白花間行酒夕陽低青娥老去無消

息草樹含風怨白雞

金元素

東山、水勢何雄絕，巖壑森嚴。松竹翠搖，殘雪後樓臺。見
照夕陽中，詩才自愧，唐王建相業。誰期晉謝公，千載風流遺迹。
在登游那放酒杯空。

謝榮

兩屐行穿一徑斜，紫薇開盡洞中花。老僧相見即相識，五百年
前太傅家。

謁太傅祠

勝地名山祇暫看，老來誰復歷巔峴。不因開席勞龍龕，遂豈意
藜謁謝安。天際雲山新日月，眼中人物舊衣冠。可憐千古興亡
事，都在長吁一倚欄。

謝惟震

步上東山一徑深，提壺遙佇恣登臨。屐蹤印月依然在，尚有清
風激古今。

彭誼

欲探勝境息塵機，袖拂天風上翠薇。山骨一拳擊漢遠，簷牙千
尺碍雲飛。僧敲鐵鉢驚龍起，客倚岩松待雀歸。明月已沉雲已

散年、江水恨斜暉

俞振才

松徑蒼茫一線通昔人曾此寄高風
林間泉石晉宗廟江左衣冠今梵宮
絲竹聲隨流水盡薔薇花共白雲空
乾坤留得遺容在生氣猶堪掃稜虹

樊良器

不到東山二十年望中風景尚依然
雲開雲合雙江外潮落潮平兩眺前
事業總歸明代籍風流空想晉時賢
我來不盡登臨興長嘯一聲山月圓

丹崖翁

絕頂松風透膽清謝公曾此寄高情
山橫兩眺暮雲碧江浸一天秋月明
林下有僧敲錫響石邊無客聽棋聲
薔薇洞口亭前水留得當年洗屐名

陳大紀

洞裏薔薇花正開洞門雲濕護蒼苔
東西兩眺暮煙合大小雙江春水來
萬仞越峯天外列千年遼雀月中回
謝公偉績分明

在一任塵氛自劫灰

龍霓

夕浦乘潮好放舟
碧山如障水如油
僧閒愛說千年事
磴險登百尺樓
候吏遠歸松壑暝
崖碑細讀古堂幽
當年曠達俱遺迹
惟有寒江遶寺流

徐文彪

一上東山頻弔古
山椒感慨立孤亭
潮吞夜月雙江白
雲散寒林雨
眺青荒
樹啄花憑野鳥
夕陽掃葉見山僧
繁華都逐水
去更有何人翊晉庭

謝輔

步入東山一徑深
禪宮僻在白雲今
昔時高臥人何在
唯有巖名照古今

馬易之

羣峯環翠兩江清
僧衲猶傳太傅名
松磴落花侵屐齒
竹窻趺雨雜棋聲
朝廷屬望安危重
山水多情去就輕
我欲登高弔千古
小亭坐看白雲生

題青雲梯

吳昺

騎鯨僊人昔畱題東山古有青雲梯峻嶒直與石棧齊會稽諸
峯手可携捫蘿跡磴還扶藜回首下界城郭低雲霞吞吐咫尺
迷空中恍惚聞天雞春風灌水陰萋萋落花屐齒沾香泥潁川
高士氣蟠霓十年茅屋甘隱棲臥枕白石漱清谿晨燒平田夕
灌畦一朝領薦款金闈青雲萬里從此躋千金駿馬碧玉蹄追
風逐電驕長嘶文章璀璨映壁奎喜動天顏御筆批玉階拜舞
聯簪圭仍謁宰相行沙堤我有寶劍堪剗犀銹澀未經淬鷓鴣
青雲貴客曾見提違衆舉親稱祁奚雲衢却步如人擠歸來強
顏見旄倪芸窗讀書復啖藜井臼賴有糟糠妻故人今去程莫
稽醉拍銅斗歌銅鞮仰望青雲猶坦蹊我欲接武何嗟臍舊囊
無金車無輓臨岐贈磴徒愴悽江自東流日自西北山獨伴猿
崔啼丈夫尋常困蒺藜不須再灼滅孫龜

謝肅

未戰已能知勝負戎夷何可抗王師捷書忽自淮淝至談笑從
容更着棋

又

天生賢達濟時艱再造王家笑語閒一自白雞成夢後越人空
識舊江山

張居傑

幾年簪筆侍宸旒今日東山紀睽游雨眺並依銀漢近雙江迥
接剡谿流梵王宮殿凝煙暮太傅雲軒過雨秋佳境宛然塵世
隔月明依舊照林丘

葛璣

出處從容道合權煙霞深處輟盤旋高岡有路曾調馬精舍無
堂已住禪洗屐池荒蛙亂吠圍棋墅冷月空圓豪華散盡風光
別獨對薔薇感昔年

又

獨上青山感慨深每將雲月想高襟煙霞一榻終成癖誰慰蒼
生渴望心

潘府

高臥應知出處難白雲明月老空山澄清暫為蒼生起變故徒

懷海道還大小江空秋漲遠東西眺冷夕陽殘淮淝咫尺中原
近重使遺碑嘆玉顏

伍希儒

兩眺晴分碧霧收雙江勢合翠雲流
花開花謝薔薇洞潮落潮生蘆荻洲
明月有情留醉客斷碑無字臥荒丘
野人賸有江湖思
千古來登百尺樓

謝迪

每憶遺蹤假勝游碧山如畫抱江流
地傳雙眺高風在名重千年古像留
棋局靜閒花塢畫樓臺虛冷海天秋
崑崙石磴齊雲漢試履還登最上頭

陳翀

憶從太傅此棲遲終古令人嘆黍離
丘壑幽情唯自得廟堂碩望許誰知
稽山風月雙吟屐晉代乾坤一局棋
獨恨榮華眼中謝幾聲鷓鴣落薔薇

謝忠

春藹東山夢寐間青鞋今喜共躋扳
石門翠拂岩頭霧江水碧

紫天外山細草覆階侵
屐冷閒苑滿洞點衣斑
祠前鐵馬風聲急
猶憶淮淝報捷還

倪宗正

金屏歌罷彩霞收
山色依然映碧流
圖書浪傳塵外景
琵琶猶誌水中洲
多情花草如三月
回首風雲寄一丘
試問白雲明月意
何如燕子十年樓

謝朝宣

青山遙望白雲凝
精舍禪宮感廢興
洗屐池荒深蔓草
圍棋亭冷繞枯藤
風流遺事僧能話
藜杖芒屨我獨登
也為蒼生同此出
英雄何敢附雲仍

薛之綱

好山如畫碧崔嵬
清帶雙江天際來
今日騷游追勝賞
當時歌舞足徘徊
僧房借靜還看竹
野迳尋詩忽見梅
眼底豪華盡消歇
只須勲業未成灰

蕭鳴鳳

淮海東來得此峯
蒼顏瘦骨轉孤衝
地靈牛斗千岩聚
江引滄

溟萬壑通兩眺春陰藏枕剎中天夜色起龍宮清時未了蒼生
願高臥何年聽曉鍾

賦石門

徐子奎

路從何處上東山雙石為門晝不關洞小不妨明月過山高殊
礙白雲還牙簷零落交藤翠玉柱嶙峋蝕蘚斑太傅歸來人不
守徧分春色落人間

陳緣

載酒重游興不禁緩携雙屐上高岑淒涼空惜風流迹感慨
捫我輩襟幾許韶光聊賞目更留好月伴孤吟紺宮宏啓金屏
冷空有勳碑照古今

陳時諫

晉相名垂八地間尚留芳迹在空山雙江月黑棋聲寂兩眺雲
寒屐齒閒枕語有時聞竹院捷音無日到松關豪華已遠英雄
去一代高風未易扳

陳恕

踏上東山惜到遲山中無景不宜詩馬調落日猶遺路屐洗晴

雲故有池江水月明騎去後石林花落鳥蹄時百年誰好江湖
念千古英雄入夢思

任昇

古馬長驅紫塞塵中原豪傑半沉淪白雲明月東山路笑彼新
亭洒淚人

人

晉室東遷勢已危江南無地可棲遲先生不出東山去誰掃符
堅百萬師

徐一愚

謝公已去東山空巖花穴樹無春容洞口哭月猿夜呼賭棋墅
吟號悲風頽洞簾塵嘯羌羯天步崩奔爭一蹶笑拂閒雲隨詔
來大慰蒼生望懸渴國非國是信口裁西征大將傾懽懷辟兵
詫破悶鼎機貞心鐵挺真雄才君不見逆旅庭前示鞭媪已須
風駿脫追來又不見枝江填浪滿百洲計在潛移晉家室當道
豺狼務貪得不獨噬民圖噬國嗚呼潛龍泥蟠不作雲誰辯洗
天有甘澤

東山風景似蓬萊幾許憑高一快哉潮滿雙江銀練淨雲收雨
眺翠屏開夜沉虛室長來月春上空階半是苔借問遠師蓮社
裏長安冠蓋幾人來

楊克彰

孫紀

晚涼携酒上崇丘木落西風古寺幽詩著謫仙唐制作名垂太
史晉風流圍棋墅冷蒼苔雨洗屐池空碧草秋獨倚層樓看不
厭一雙白鳥下滄洲

金南

一去英雄今幾秋水光山色憶夷猶長江收潦晴波碧虛谷無
塵佛境幽翁仲原頭狐兔穴鳳凰臺下鹿麋游西風翹首秦雉
上落日踈楊倚石頭

又

謝公高臥越江東一代聲華迹已空兩眺晴光江月白一簾春
色洞花紅蒼生望渴雲霓上勲業名垂宇宙中特采江蘋薦祠
下靜凭山閣仰清風

王科

老瞞延胡下秦川，天為墜肉遺腥膻。
古馬長驅塵漲天，中原盡是古雞煙。
東山有客獨惺然，擁鼻長吟危聳肩。
長日圍棋呼阿玄，一着要恢皇圖全。
南郡老兵空垂涎，符氏百萬浪投鞭。
廟堂勝筭本無爭，昌明之後仍再傳。
玉郎高談如湧泉，死葬蠻夷誰復怜。
莫笑將軍肉眼偏，江東無如安石賢。
我來再拜奠芳荃，皎皎白日丹心懸。

張景遜

好游弱冠訪名山，此境名垂宇宙間。
不有英雄遺勝迹，邛因墨共躋。
扳雲寒雨眺啼猿，急月落雙江。
弔崔還玉樹，金屏盡塵土。
秋風黃葉掩松關。

杜漸

崔嵬山勢俯江湄，正值蒼生渴望時。
雅量恢恢安晉室，笑談了了却秦師。
豎荒天棘游麋鹿，花落薔薇怨子規。
一自豪華成冥冥，白雲明月負嘉期。

陳道

東山志卷之六
越山森々如戟列桐栢四明總奇絕洞天杳邈仙有無千古詞
林猶浪說爭似東山秀所鍾高臥當年來謝公四海蒼生注渴
望幡然一出成豐功雲想歌兮月想舞應有山靈長守護綠蘿
徧遠讀書臺碧蘇久侵調馬路二謝真為一世英至今名與山
爭嵒地靈人傑何時少草澤深埋惜終老

張錦

幾年不到梵王宮樓閣參差草木濃雙眺有碑明月落一軒無
立白雲空石門春鎖薔薇洞竹院經翻貝葉風謾向眼前傷往
事六朝雄業夕陽中

韓性

遠山倚空青濛々剡谿百匝來天東天機不捲芳草碧中有行
地雙蟠龍扶藜欲出人間世俯視分明在平地長松忽動雀飛
來萬里罡風起衣袂薔薇開落春復秋洗屐何人繼清游凭闌
一笑衆山小遥指雲氣看齊州

謝丕

兩眺幾頽力挽回衆心若有鬼神催衣冠此日猶爭仰兆域何

人敢擅開三邑義聲逾谷響九原怒氣逐潮來拜瞻已訂春秋
約次第清泉奠一栝

又

短棹纔從剡曲回棹歌江上又相催源流一派天台遠閶闔千
年太傅開力剪榛蕪慚我後強邀雲月為誰來春山觸處添愁
思莫遣鶯花侑酒杯

吳寬

東山高臥如龍蟠天下蒼生望謝安徵書再下翻然起五十不
妨初作官征西將軍姓桓者致我胡為居幕下新亭狎視猶小
兒流汗何人面如赭北兵百萬次淮淝別墅與客方圍棋捷書
已至未終局江上阿玄班我師高懷磊落多長技誰識向來游
戲事後世風流強慕之登山也復携歌妓

孟洋

東山名不異興復謝公宜芳草春携妓長松晝奕棋杯深花發
際樓迥月臨時並有徐劉輩經過數賦詩

謝敏行

國慶名山在何所小江東畔娥江滸三峯高峙削芙蓉兩眺平
臨分太宇太傅生游死埋玉子弟相從附阿曲于此傳芳千百
年史書野老皆緝屬如何狂悖生覬覦伐木夷陵執赫奕九原
神靈若有知六邑義聲滿山陌幾載相持事始平吁嗟鬱鬱攸變
陵谷何人再復千年禮媿我經營後麟叔憶昔廟額金碧輝而
今遺像披草萊水源木本誰縈念屐路禪關次第開

萬曆三年夏四月小江歸舟夢中得句 無名氏

千古奇勳畱兩眺棋枰屐齒印高峰碑文歷々青苔合廟額魏
巍絲樹重昨夜城狐將作穴今朝社鼠欲遺蹤六邑義聲同日
起青山依舊白雲封

謝鳴鳳

卜築東山定一畝後先高隴迭相催道傍翁仲因誰在院裏祠
堂為晉開燕認烏衣春自集雀依華表夜還來年々願執增封
役拜掃墳前酌一杯

謝黨

兩眺行吟首重回况逢江上片雲催屐泥故向荒池洗棋局仍

尋舊墅開紫萼當門僧入定
綠莎帶雨客來稀
丘墳正近薔薇
洞青海音容真一杯

謝應奎

一自寧泉翦棘回
寺前荆棘又相催
五古腥穢淮淝洗
半壁東南太傅開
遼雀尚還華表在
真龍未許後人來
試看一派雙江水
常遶千年兩眺臺

登東山用晦翁韻

洪珠

立馬東山又兩回
天高風急夕陽催
謝公樂意不可極
白也幽懷能幾開
寺隱松雲飛鳥沒
江空蘿月帶潮來
回看出處驚幾
幻惆悵青山一舉杯

又

江上看山偶共回
禪鍾猶記去年催
吹依兩眺天風落
醉泊孤舟晚照開
古塔月明僧自定
仙源路杳夢還來
莫將蹤跡嗟萍梗
逢着高人且共杯

重建法雲寺記

特進光祿大夫柱國少師兼太子太師中極殿大學士吏部尚書經筵國史總裁郡人李春芳撰

維揚法雲寺者僧道宣重建也告成叙其創廢本末乞為之記余覽郡乘載法雲在揚之大東門外稱名利焉二晉寧康三年太傅謝文靖公安刺揚州時故宅也及公移鎮廣陵改居新城其姑氏捨宅為尼院乃創額法雲云即寺肖像以祠公嘗手植二檜唐張祐有謝家雙檜本同榮之咏蓋實錄也貞觀五年更

新之

國朝永樂正統間相繼葺理而成化之役最為宏麗語在錢漙
記中正德丁卯重修者僧大賢也迨萬曆甲戌香燈殿墜棟宇
復頽荆棘藜藿茂矣時甞使崔公孔晰王公憑各捐俸資為
其倡而道宣亦爰率弟子協力化施鳩二庀材以次葺治于是
殿堂門廡方丈井之聿新一切諸佛菩薩羅漢及大士法相無
不莊嚴輪奐悉成丹雘煥然歸然為一方大叢林矣經始于甲
戌季冬至乙亥仲秋告成計所用緡錢若干所喜捨士女若干
是時觀者莫不敬禮皈依若黃金重布白玉再光也何以故夫
浮屠之教土昭無始下盡無明釋群迷期登彼岸今道宣者克
脩梵行共成勝果是謂聚沙能佛道合掌可入醍流其用心亦
勤矣然則能使數十年頽宮廢刹一旦化成佛土于我年氏之
慈悲大覲不止崇飾具在抑假人以舟航者也倘所謂戒律精
進者非耶且也又使文靖公香火之報傳之永、無窮道宣之
功豈不偉歟是役也協力者道宣之徒覺炬孫悟埒并書之

萬曆三年八月

日住山沙門道宣立石

東山誌題跋

東山誌輯於七世祖先文正公承而
續之者則先曾祖伯中憲公蘭阜氏
也鍾和從畧年時閱斯誌皆散帙零篇
已失其條緒意謂此乃吾家傳世之書
何遺落以至于是耶稽自嘉靖年間遭

有倭變刻板消磨全部已難復構然就此遺帙殘編檢而崇之自晉代迄于明朝吾家之名賢歷代之出處已有可攷猶兢兢然其何修以續先世之光也

且斯誌未全鍾和遂奔馳東魯百粵之官途乃不遑求備於卷帙間耳居常寢

食每以爲念者蓋十有六年矣今歲叨陞閩省都幕出而掌篆龍邑幸於吾越相去不遠恬叟嚴君念鍾和辭家既久從四門命駕抵署初發篋隨以此誌見授且命曰吾兒燈窓下屢悵斯誌之未全茲乃全之自余特攜以示適見爾

有志而事竟成也鍾和攤而較之東山
之形勝古蹟前代之事功制作無不彬
彬然列諸眉睫不覺二喜並臻爰命劄
劄氏重爲梓焉雖不敢以此爲光於
先世然全編無闕亦足以快于生平矣
謹跋

昔

康熙六年丁未冬子月上浣之吉七世
孫承德郎鍾和薰沐敬書



東山志後序

志者志不忘也無所徵不敢妄書也每往

閱諸宗家乘史傳羣書之該載者考訂編

次亦頗詳矣東晉已東祭酒公自陳雷僑

寓會稽之始寧再傳而太傅文靖公出焉

齒髮漸殷散居浙之東西或居閩越南越


或居江右河南或居巴蜀吳楚雖有遠近
親疎之別無非祭酒公太傅公之裔孫也
其間立德立功立言之士世不乏人太上
立德惟德為難我上世以德為本是以植
本固而發源長也竊惟忠孝節義者德之
幹也功業文章者德之華也自晉及今傳

之千百歲矣尚尔彬々奕奕傳而石誦焉
豈非一德之所遺乎周之興德配天地傳
之八百而子孫蔓延於無窮陳雷之始本
諸申伯誠立德之餘休也是志之續傳賴
我宗姓能服膺前哲種德無量則此志之
續傳將億萬禩於無窮也抑何區々一已

之所考訂編次而已乎

萬曆丙子夏六月望嗣孫中憲大夫太常寺少卿管尚寶司事敏行百拜謹書

東山後敘



東山誌者誌謝氏之東山也謝氏之
有東山自晉太傅安石公始而誌
一者明太傅文正公也成之者太
常蘭阜公新之者今大名郡丞
微居公也書成問敘於余余惟山

川靈秀往々鍾為異人入之名流勛
伐足以為山川增重則亦山川之幸
也已自有宇宙來即有東山安石
出而茲山始為謝氏有由晉迄今
千五百年矣文正公崛起而收之
東山之名益著嘗考文正受知

宗帝深厯事武肅二朝公忠直亮

為有明相業之冠謂非得山水之
助者歟按誌東山在上虞之西南四
十里巋然特立於眾峰間拱揖藪
蘢如鸞鶴飛舞乎巔林立下視滄
海水天相接稱為絕景其見之康

樂公山居賦者太平相府故峻拔
清澗之氣產為名臣自文正公以
來距今更二百餘年謝氏能世其
業勿敢廢墜山靈且式憑之一何
盛也嗟乎時代錫邈滄桑變易金
谷習池不足論即平泉之花石綠野
之池亭不數傳而蕩為荒烟野
草者以之而是揭東山一片地檀名
江表桑田原墓子孫世守歷千
百年如一日則謂地以人傳詎不信
耶抑又聞之維嶽降神生申及甫
謝固申之裔也謝之長世有令流後

之人保而大之即東山與嵩高等
烈矣謝氏之興其未有艾乎以徵一
公丞吾郡有異績復以華胄逢
紹衣先緒用光文正公之世業則
是法也殆公之所以自勉亦公之
所以自券也夫余故樂為廣之

如此

天雄大學士成克瓚頓首

謹識

